

*Plantae Binderianae nilotico-aethiopicae*

quas determinavit Dr. Theodor Kotschy.

(Additae sunt tabulae IV., V., VI., a, b, VII., VIII.)

Postquam Reverendissimus Provicarius Knoblecher primus usque sub quartum gradum latitudinis septentrionalis in Leuconilo pervenisset, condidit in Gondokoro, quod ab Alexandria 400 milliaribus geographicis versus interiorem Africam distat, missionem religiosam. Plantas ab illo ibidem collectas jam nuper haec Academia scientiarum in lucem edidit.

Harum terrarum cognitio occasionem praebuit cum earum incolis commercio exercendo. Sic originem duxit admodum profigua permutatio mercium, praesertim praestamissimi eboris et aliarum rerum, quarum illae regiones feraces sunt. Talia itinera commercii causa suscepit etiam iteratis vicibus eives noster transylvanus F. Binder, comes olim defuncti Reverendissimi Knoblecher.

Fatisfuneti industriae mercatoris Malzae possesiones „Gaba Schambil et Ronga,“ ad Leuconilum sub septimo gradu boreal. latitudinis et 28 gradu longitudini Parisiensi, redemit mercator Binder, mora in Chartum peracta. In itinere ad has plagas suscepto, collegit dominus F. Binder plantas, quas hic suis generibus adscriptas sisto. Exempla sub numero 1—42 collecta sunt per regnum Aethiopum Schilluk et Kysts, illae vero, quae a numero 42—101 currunt, repertae sunt in ejus possessionibus et viciniis locis inter Gaba Schambil occidentemque versus 25 milliaribus a Leuconilo usque in regiones Ronga dictas. Reliquae 30 species prope Chartum et 50 aliae in plagiis Aegypti et Nubiae crescunt. Collector has plantas omnes dono obtulit societati naturae curiosorum Cibiniensi. In prima Centuria reperiuntur 25 species, hactenus in regione Nili a nemine visae, quarum 7 porsus novae sunt, quam ob rem eas describere, additis delineationibus, hic placuit. Exhibit eae supplementum ad collectionem Knoblecherianam, quippe quod collectae sint a Gondokoro duos gradus magis septemtrionem versus.